

WIFLISPURGERGOVIA

lanna, Cives Lausannenses interim singulari familiaritate fuerunt juncti Bernatibus, usq; ad annum MDXXVI, quo Lausanna cum omni circumjacente Regione ad dominium Bernatium pervenit. At cives fruuntur inter omnes omnibus suis privilegiis & juribus. Reliquæ sunt, Germanicæ quidem xxxi, quarum xv Suburbanæ, quibus totidem Urbis signiferi præsumunt, & sub eorum signis, singulæ Præfecturæ in bellum proficiscuntur. *Hafelia Vallis, Hasli: Vndersea Opidum Vnderseuven: Simmia Vallis superior: Simmia Vallis inferior: Frutigen; Sana; Aellen; Thun; Louppen: Signau; Drachselwald; Emma Fluvii Vallis; Brandis; Sicomiswald; Burgdorff; Bierenneck; Lützel; Luot; Arberg; Niduv; Erlach; Bippium; Wangen; Aruvangen; Arburg; Biberstein: Schenckenberg: Lentzburg.* Item Cænobiorum Præfecturæ ix, quarum vi Civilem quoque Jurisdictionem habent. *Gallica* iix, quæ sunt, *Aventicum; Wislispurg; Munnidunum; Moudon; Yverdon; Morges; Novidunum; Nyon: Oro.* Zilia cum *Vibisco* seu *Vivey*: item tres Cænobiorum Præfecturæ. Ad alteram hujus Tabulæ partem transeo, in qua *Friburgi* Præfecturæ etiam Bernatibus communes a Mercatore recensentur: quæ sunt *Morten: Schwartzenburg; Granson: Chalan sive Scherlin.* his Bernates & Friburgenses alternatim per quinquennium Præfectos constituunt, sic ut Præfecto ex una urbe constituto, provocationes ad alteram fiant, & ab eadem rationes Præfecti examinentur. *Friburgum* Opidum apud Nicitones situm in Vchtlandia ad Sanam fluvium, a Berchtoldo xv Zeringensium Duce paucis ante Bernam annis conditum, Regnante siquidem Lothario anno Domini Mccxxvii *Gulelmus* Vchtlandiæ Comes mortuus est, ut Naclerus scribit, quo tempore ab Imperatore Lothario Vchtlandia Conrado Zeringensi Principi committitur. Quo mortuo anno Mclii, successit ei Filius ejus Dux *Berchtoldus* Zeringensis ejus nominis iv. Is utriusque *Friburgi, Brisgoia & Vchtlandia* fundamenta posuit, ut supra quoque diximus, Anno post Christum natum Mclii, non sine privilegiorum amplissimorum donatione. Quemadmodum & subsequentes ex ordine Imperatores, utrumque Opidum non minore favore prosequuti sunt, quam si Imperii membra essent. Anno deinde Domini Mccxix *Berchtoldo* v Zeringensium Duce, è vivis sublato, *Friburgum* Vchtlandiæ privilegiis omnibus illæsis, ad Comites *Kiburgenses* devenit. Anno vero Christi Mclxx *Eberhardus* Comes *Habsburgensis*, istius Urbis habenas tenuit. Is anno Salutis Mclxx Regi Rudolpho ab *Habsburg*, peringenti pecunia suum in hanc Urbem, jus vendidit, Hinc *Æneas Sylvius*, *Friburgum* nobilem Austriæ domum nuncupat. Incolæ tandem earum mutationum pertæsi, non sine maxima pecuniarum vi, libertatem ab Austriæ domo redemerunt. Itaque hoc tempore, Helvetici juris est. Ejusmodi in *Friburgensi* muro epitaphium inventum:

Dum bis sexcentis ter senis jungitur annus,
In Friburg moritur, Berchtoldus Dux Alemannus.

Opidum ipsum mirabilem Situm obtinet, partim enim monti præcipitibus petris suffulto impositum est, partim jacet in valle acclivis Montibus clausa, circumfluitque montem, in imo per desidentem civitatem amnis *Sana* mediocris magnitudinis. Prætorium situm est in præcipiti rupe, ubi olim Arx fuit, a qua temporum successu

Friburgum in
Vchtlandia

Friburg

1218